

Մ աշտոցի Արձագանգ

Հայաստանեայց Եկեղեցւոյ Սուրբ Յակոբ Կիրակնօրեայ Դպրոցի ամսաթերթ
WWW.SOURPHAGOP.ORG (18-րդ տարի)

Այս թիւով.....

Խմբագրական Վերամուտ 39 Էջ 2

Սեպտեմբեր ամսուան բացատրական տօնացոյց: Էջ 3-5

Գիտէի՞ր թէ
Վարագայ Սուրբ Խաչ
Վարագավանք
Խաչվերաց
Սուրբ Գեորգ Զօրավար
Նիկիոյ Ժողով
Նաւակասիք

Պահուած Բար Էջ 6

Ո՞րն է ճիշդ պատասխանը Էջ 7-10

2017-18 Տարեշրջանի Ամավերջի հանդէս

Հաղորդագրութիւն Էջ 11-15

Միօրեայ Սեմինար-Աշխատանց

Էջ 15

Վերամուտ 2018-19 Էջ 16

Ամսուան Համարը

«Ձգեցէք որ մանուկները ինծի գան,
արգելք մի ըլլաք անոնց, որովհետեւ
այդպիսիներուն է Աստուծոյ
արքայութիւնը»:

Աւետարան ըստ Մարկոսի 10.14

Սեպտեմբեր 2018 (ԻԶ տարի թիւ 1)



**Կ... ԿԻՐԱԿՆՕՐԵԱՅ
ԴՊՐՈՑ**

Խաչքարի Հեղինակ՝
Ժողովրդական Վարպետ
Ռուբեն Նալբանդյան

Հաւատք

Կրօն

Եկեղեցի

Լեզու

Մշակոյթ

Վերամուտ 39

Մեր ժողովուրդի ամենէն կարեւոր հարստութիւնը մեր բարոյական դիմագիծին առողջութիւնն է եւ երբ մեր նոր սերունդը հայ քրիստոնէական դաստիարակութեամբ եւ մեր մայրենի եկեղեցւոյ մաքուր կաթով չի սնանիր, կը նշանակէ թէ արդէն բարոյական այլասերումի վտանգը կը սպառնայ մեզի:

Պատմութիւնը կը վկայէ թէ՛ աշխարհասփիւռ մեր գաղութներուն երկարակեցութիւնը կախեալ է ոչ թէ տուեալ գաղութի նիւթական պայմաններէն, այլ անոր հոգեւոր արժէքներէն ու բարոյական սկզբունքներէն:

1980 Սեպտեմբերի 14-ին ծնունդ առած Հայաստանեայց Եկեղեցւոյ Սուրբ Յակոբ Կիրակնօրեայ Դպրոցը կը պատրաստուի իր 38-րդ յաջորդական տարեշրջանին:

«Ձեզեք որ մանուկները ինծի գան, արգելք մի՛ ըլլաք անոնց, որովհետեւ այդպիսիներուն է Աստուծոյ արքայութիւնը»:

Յիսուսի այս խօսքերը պէտք է ըլլան հիմը Հայաստանեայց Եկեղեցւոյ մտապատկերին, մանաւանդ Գանատայի մէջ՝ երբ պետութեան կողմէ վարժարաններու մէջ, հայ կրօնական դաստիարակութեան սահմանափակումին հետեւանքով, եկեղեցիներուն համար կենսական կը դառնայ հայ քրիստոնէական դաստիարակութիւն փոխանցել նոր սերունդին, հիմնականօրէն Կիրակնօրեայ Դպրոցներու միջոցով:

«Մաշտոցի Արձագանգ»ի 26-ամեակին ընդմէջէն պիտի շարունակենք մեսրոպատառ գրութիւններ ներկայացնել մեր աշակերտներուն, մանաւանդ համացանցին վրայ: Մեր կայքէջը, www.sourphagop.org-ը իր 18-րդ տարին պիտի ամբողջացնէ:

Այս տարի եւս, օգտագործելով զանազան միջոցներ, պիտի շարունակենք սորվեցնել մեր աշակերտներուն.

- Հայ բարքեր եւ կենցաղ
- Հայկական տօներ ու սովորութիւններ
- Երգեր եւ շարականներ
- Հայերէն Աստուածաշունչ բանալ եւ կարդալ
- Հայ եկեղեցւոյ պատմութիւն
- Ձեռային աշխատանքներ:

Այս բոլորը՝ Հայ Քրիստոնէայ նկարագիր մը կերտելու համար:

Թող Բարձրեալն Աստուծոյ աչքն ու աջը հովանի ու առաջնորդ ըլլան Սուրբ Յակոբ Կիրակնօրեայ Դպրոցին, որպէսզի մեր ժողովուրդի նոր սերունդի զաւակները «պարարտ հողի մէջ աճելով պտուղ տան, մէկի տեղ երեսուն, մէկի տեղ վաթսուն, կամ մէկի տեղ հարիւր»:

«Տէր Յիսուս Քրիստոսի շնորհքը, Աստուծոյ սերը եւ Սուրբ Հոգիին հաղորդութիւնը մեր բոլորին հետ ըլլան: Ամէն»:

Սեպտեմբեր ամսուան բացատրական տօնացոյց

Շբթ. 1	Նիկիոյ Ս. Ժողովի 318 Հայրապետները
Բշ. 3	Ս. Անդրէ Զօրավար
Շբթ. 8	Տօն Ծննդեան Ս. Աստուածածնի յԱննայէ
Կիր. 9	Բարեկենդան Ս. Խաչի Պահոց
Շբթ. 15	Նաւակատիք Սուրբ Խաչի
Կիր. 16	Տօն Վերացման Ս. Խաչին (Խաչվերաց)
Բշ. 17	Յիշատակ Մեռելոց
Ուրբ. 21	Հայաստանի Հանրապետութեան Անկախութեան օր
Շբթ. 29	Սուրբ Գեորգ Զօրավար
Կիր. 30	Տօն Վարագայ Սուրբ Խաչի

Պահքի Օրեր: 5, 7, 10, 11, 12, 13, 14, 19, 21, 24, 25, 26, 27, 28

Գիտէի ը թէ

1. Խաչվերացին օրը, ռեհանով զարդարուած խաչով տեղի կ'ունենայ Թափօր-Անդաստանը:
2. Հայց. Եկեղեցոյ սովորութիւններէն է Խաչվերացի տօնին օրինել զանազան միրգեր:
3. Պօղոս Առաքեալ կը գրէ. «Գալով ինծի քաւ լիցի եթէ մեր Տիրոջ Յիսուս Քրիստոսի խաչէն զատ ուրիշ բանով պարծենամ»:
4. Հայց. Եկեղեցին ունի Ս. Խաչի 3 տօներ եւս. Գիւտ Խաչի, Վարագայ խաչ, Երեւման խաչ:
5. Ս. Յակոբ Կիրակնօրեայ Դպրոցի վերամուտը ամէն տարի Խաչվերացին տեղի կ'ունենայ:

Վարագայ Սուրբ Խաչ Ամէն տարի Սուրբ Գեորգին յաջորդող Կիրակին, որ միշտ Սեպտեմբեր 28-ի ամենէն մօտ Կիրակին է, Հայաստանեայց Եկեղեցին կը նշէ խաչին նուիրուած Վարագայ Ս. խաչի տօնը: Այս տօնը կը վերագրուի Ս. խաչի երեւման Վարագ լեռներու բարձունքներուն վրայ կառուցուած վանքին մէջ: Ըստ աւանդութեան, Ս. Հռիփսիմէն այդ տեղ պահեր է իր վիզի խաչը: Հոն, շուրջ 653 թուականին, երկու ճգնաւորներ, Յովէլ եւ Թողիկ, տեսիլք մը կ'ունենան. հրաշալի լուսաւորութիւն մը զիրենք կ'առաջնորդէ դէպի Վանի Վարագ լեռներ, ուր լուսաւորութիւնը կը կեդրոնանայ ու ի յայտ կու գայ խաչ մը:

Վարագավանք Կը գտնուի Վան քաղաքին հարաւարեւելեան կողմը, Վարագ լեռան արեւմտեան լանջին: 653-ին երբ յայտնի կը դառնայ Վարագայ Ս. Խաչի «Նշան»ի տեղը, Ներսէս Գ. կաթողիկոս Տայեցին, կը կառուցէ Ս. Նշան եկեղեցին եւ կը հաստատէ Վարագայ Ս. Խաչի տօնը: 870-ին արաբները կը գրաւեն Վարագավանքը, սակայն շատ չանցած Աշոտ Արծրունի իշխանը կ'ազատագրէ զայն: 1857-ին Վարագավանքի վանահայր կը նշանակուի Խրիմեան Հայրիկը «Մկրտիչ Ա. Խրիմեան Վանեցի»: Վանքը 1915-էն ի վեր լքուած է եւ ներկայիս աւերակ վիճակի մէջ կը գտնուի:





ԽԱՉՎԵՐԱՑը Հայ Եկեղեցւոյ հինգ տաղաւարներէն վերջինն է: Ան Խաչին նուիրուած տօներուն մէջ ամենակարևորն է, որովհետև նուիրուած է խաչին գերութիւնէն վերադարձին, անոր բարձրացման և փառաբանութեան պատմական յիշատակին: Հայաստանեայց Եկեղեցին Խաչվերացը կը տօնէ Սեպտեմբերի 11-17 ժամանակահատուածին հանդիպող Կիրակի օրը, իսկ տօնի յաջորդ օրը մեռելոց է:

610 թ. պարսից Խոսրով արքան մեծաքանակ զօրքով կը յարձակի Բիզանդական կայսրութեան վրայ: Սկզբնական յաջողութիւններէն ոգևորուած՝ պարսկական զօրքերը 614 թ. կը մտնեն Երուսաղէմ: Շատերը կը սպաննեն եւ շատերն ալ գերի կը վերցնեն: Վերջիններուն մէջ էր նաև Երուսաղէմի Զաքարիա հայրապետը: Բայց պարսիկներն այսքանով չեն բաւարարուիր. կը մտնեն Ս. Յարութեան տաճար և գերի կը վերցնեն այն տեղ պահուող Աստուածընկալ Ս. Խաչը, որ Դ. դարի սկզբին Կոստանդիանոս կայսեր մօր Հելինէի ձեռքով գտնուէր և պաշտամունքի առարկայ էր դարձեր բոլոր քրիստոնէաներու համար:

628 թ. Բիզանդական զօրքերը Հերակլ կայսեր գլխաւորութեամբ խաչափայտը վերադարձնելու համար կը պատերազմին պարսիկներու դէմ: Բիզանդական զօրքին կ'օժանդակէ նաև հայկական զօրախումբը ՄԺԺ Գնունիի գլխաւորութեամբ: Տիրոջ օգնութեամբ Բիզանդացիները յաղթանակ կը տանին:

Ս. Խաչը հանդիսաւոր թափօրով կը տեղափոխուի հայոց Կարին քաղաքը: Իսկ Կարինէն զայն կը տեղափոխեն Կ. Պոլիս, ապա Երուսաղէմ: Գերեզարձի ճանապարհին Տիրոջ խաչափայտը կը բարձրացուէր և ցնծութեան առիթ կ'ըլլար ժողովուրդին համար:

Խաչը քրիստոնէաներու համար Աստուծոյ զօրութիւնն է ու պարծանքներու պարծանքը, որուն վրայ իր անմեղ արիւնը թափեց Քրիստոս, տալով մեզ յաղթութեան զէնքը ընդդէմ սատանային ու անոր խաբկանքներուն: Յիսուս խաչին վրայ ցոյց տուաւ իր անհուն սէրը մարդկութեան հանդէպ, և խաչը դարձաւ մեզի համար յոյսի, սիրոյ և փրկութեան երաշխիք:

Սուրբ Գէորգ Զօրավար

Խաչվերացէն 13 օրեր ետք եկող շաբաթ օրը Ս. Գէորգ է: Ան նահատակուած է Նիկոմեդիոյ մէջ մօտաւորապէս 303 թուականին:

Հասակ առած է քրիստոնէայ ընտանիքի մէջ: Երբ Հռոմէացի Դիոկղետիանոս կայսրը (284 - 305) հրովարտակ կը հրատարակէ քրիստոնէաներուն դէմ, Գէորգ զօրավարը կը պատռէ Նիկոմեդիա քաղաքի հրապարակին վրայ կախուած այս արքունական հրամանը:

Այս պատճառով կը չարչարուի եւ կը նահատակուի, որովհետեւ կը մերժէ ուրանալ իր քրիստոնէութիւնը:

Բազմաթիւ աւանդութիւններ հիւսուած են Ս. Գէորգի մասին: Ասոնցմէ ամենածանօթը այն է որ Գէորգը վիշապ մը սպաննելով կոյս մը ազատած է եւ այդ պատճառով կ'ընդունուի որպէս վիշապասպան սուրբ:



Անգլիացիները իրենց պահապան սուրբը կը համարեն Ս. Գէորգը (Saint George): Սուրբ Գէորգի անունով եկեղեցիներ ունին Հայերը եւ եւրոպական ժողովուրդները:

Նիկիոյ Ժողով

Արիոս Աղեքսանդրացի, իմաստասիրական հմտութեամբ ծանօթ անձ մըն էր, որ մինչև իսկ հայրապետութեան յաջորդելու փափաքեցաւ: Այն ժամանակ Յիսուսի անձին վրայ խնդիրներ կային եւ Արիոս ալ սկսաւ պաշտպանել այն տեսակետը թէ Յիսուս Քրիստոս չէ մարդացեալ Որդին Աստուծոյ, այլ գերագոյն արարած մը, եւ թէ իրեն տրուած Որդի Աստուծոյ կոչումը բառացի իմաստով առնելու չէ: Աղեքսանդր հայրապետ Աղեքսանդրիոյ գաւառական ժողովներու մէջ, 312-ին եւ 319-ին, հերքեց Արիոս երեցին կարծիքը, որ սակայն ի ր ե ն պաշտպան եպիսկոպոսներ ալ ունեցաւ եւ Եւսեբիոս արքեպիսկոպոսը Նիկոմիդիոյ մէջ տեղի ունեցած ուրիշ ժողովով մը արձակեց Արիոսը Աղեքսանդրիոյ ժողովներուն դատապարտութենէն: Երբ որ վէճերը ընդհանրացան եւ եկեղեցոյ մէջ հակառակութիւնները սաստկացան, Կոստանդիանոս կայսրը ուզեց խնդիրը ընդհանուր ժողովի մը մէջ լուծել եւ բոլոր քրիստոնէայ աշխարհի եպիսկոպոսները հրաւիրեց Նիկիա քաղաքը 325-ին, ուր ժողովը բացուեցաւ Յունիս 19-ին: Հրաւիրուած էին նաեւ Տրդատ եւ Գրիգոր որոնք կամ չուզելով, կամ չկրնալով անձամբ երթալ, Արիստակէտը իրենց փոխանորդ նշանակեցին, եւ իրենց կարծիքին ու դաւանութեան յայտարարութիւնն ալ գրաւոր յանձնեցին անոր եւ ճամբայ հանեցին (ԽՈՐ. 176): Արիստակէտ եղաւ Նիկիոյ 318 հայրապետներէն մին, որոնք միայն քանի մը հոգիի տարածայնութեամբ, Արիոսական վարդապետութիւնը դատապարտեցին եւ Արիոսը նզովեցին: Կոստանդիանոս ալ զայն արքայեց: Նիկիոյ ժողովին մասնակցած հայրապետներու անուանացանկին մէջ կը կարդացուի Հայոց Մեծաց Արիստարքոս կամ Արիստակիսոս կամ Արսափիոս անունով եպիսկոպոսը, որ մեր Արիստակէտն է, թէպէտ օրինակէ օրինակ անունը աղաւաղուած է: Յատուկ գործունէութեան կամ բանախօսութեան յիշատակ մը չունինք, բայց արդէն այնչափ եպիսկոպոսներուն մէջէն միայն քանի մը պայքարողներու անունները կը տեսնուին ժողովի ատենագրութեանց մէջ: Արիստակէտ ժողովէն ուղղակի վերադարձաւ Վաղարշապատ արժանահաւատ բանիւ, եւ քսան կանոնեալ գլխով ժողովոյն (ԽՈՐ. 177): Գրիգոր ուղղափառ հաւատքի յաղթանակին վրայ ուրախանալով ընդունեց եւ հռչակեց Նիկիոյ կանոնները, «եւ սուղ ինչ գլուխս յինքենէ ի կանոնս ժողովոյն յաւելլու» (ԽՈՐ. 177):

Մաս տուողը կ'ըսէ. «Մասն եւ բաժին եղիցի Սուրբ Պատարագիս»
 Մաս ստացողը կ'ըսէ. «Բաժին իմ Աստուած Յաւիտեան»

Նաւակատիք (նոր կերտել, նոր շինել) նորաշէն տաճարի, եկեղեցոյ, ամէն նորի բացման, տարեդարձի ու նուիրագործութեան հանդէս: Նաւակատիք է նոր աւարտած եկեղեցոյ առաջին նուիրագործութիւնը, ինչպէս նաեւ՝ նուիրագործութեան տարեդարձը: Հայ եկեղեցին նաւակատիքները սկսած է կատարել կամ յիշատակել մեծահանդէս տօներու նախընթաց օրերուն: Նաւակատիքով պահքի խստութիւնը կը մեղմացուի՝ առանց զայն ամբողջովին վերացնելու, այսինքն՝ մտեղէնը խստիւ արգիլելով՝ կը ներուի ձկնեղէնի ու կաթնեղէնի կիրառութիւնը Պատարագի մատուցումէն ետք:

Այդպէս է նաև Հայ եկեղեցոյ հինգ տաղաւար տօներու նախընթաց օրերուն: Այսինքն՝ Վարդավառի, Աստուածածնի Վերափոխման ու Խաչվերացի նախընթաց շաբաթ օրերուն, առաւօտեան Պատարագէն ետք, իսկ Ս. Ծննդեան ու Ս. Զատիկի ճրագալոյցերուն, երեկոյեան Պատարագէն յետոյ կաթնեղէն ու ձկնեղէն գործածելը նոյնպէս Նաւակատիք կը նշանակէ:

Նաւակատիքը իբրև առանձին տօն կը նշուի Խաչվերացի տօնի նախընթաց շաբաթ օրը, 4-րդ դարու բիզանդական կայսրուհի Հելիենէի նախաձեռնութեամբ Երուսաղէմի Սուրբ Յարութեան մեծ տաճարը շինուելէն ետք զայն նուիրագործելու և օծելու տարեդարձի օրը, որ ամբողջ քրիստոնէայ աշխարհի համար կարեւոր յիշատակ է:

Պահուած բառ

լ	ն	ւ	ս	ա	ւ	ն	ր	չ	ա	կ	ա	ն
ն	գ	ք	ա	ն	ա	կ	ա	դ	ն	ա	ւ	ա
ւ	ե	ն	կ	օ	է	կ	ի	դ	ն	թ	ա	կ
ս	ւ	ա	ն	տ	է	ր	պ	ա	տ	ն	դ	ա
ա	ն	վ	ե	հ	ա	փ	ա	ռ	ա	լ	օ	ք
ւ	ր	ե	ճ	ա	կ	ա	տ	ի	ճ	ի	թ	ն
ն	ի	ր	ա	կ	ա	ն	ր	պ	ա	կ	ա	դ
ր	չ	ա	ր	ե	ն	ց	ի	ր	ր	օ	ր	ն
ե	կ	ե	դ	ե	ց	ի	ա	ք	ի	ր	ա	բ
լ	ս	ա	ր	ա	ն	օ	ր	ր	ա	ն	ն	ն
ե	կ	ե	դ	ե	ց	ի	ք	ն	ւ	ր	մ	ս
լ	ե	շ	ն	ր	ն	ա	բ	ե	դ	ա	յ	ն
ն	ն	ա	պ	ա	տ	ն	ւ	ե	լ	ի	ք	ր
լ	ա	ն	ա	մ	ի	ք	ա	հ	ա	ն	ա	յ

աւանդական բողոքական եկեղեցի էական լուսաւորչական կաթոլիկ ճար ոգելորիչ չարենց պատուելի վեհափառ տաճար քահանայ	աղօթարան բոսր եկեղեցի իրական լուսաւորել կաթողիկէ ճակատ որոշել պատրիարք վեր տապան քուրմ	արեղայ բարիք իմանալ լսարան կապ ճիտ պատ վանք տօն քանակ	անտէր օրրան
--	---	--	--

պահուած բառ՝ 5 գիրերով. հաւատք

Ո՞րն է ճիշդ պատասխանը
Մանկապարտեզի անկիւն



Ամբողջացո՛ւր Հայաստանեայց Եկեղեցւոյ
Կիրակնօրեայ Դպրոցներու նշանաբանը: Մարկոս 10.14

Յիսուս, մանուկները, արգելք, այդպիսիներուն,
արքայութիւնը

----- ըսաւ.

«Ձգեցէք որ ----- ինծի գան, ----- մի՛
ըլլաք անոնց, որովհետեւ ----- է Աստուծոյ
-----»:

Ո՞րն է ճիշդ պատասխանը
Նախակրթարան Ա., Բ. եւ Գ. դասարաններու անկիւն

1.- Ո՞ր տարին հիմնուեցան «Հայաստանեայց Եկեղեցւոյ Կիրակնօրեայ Դպրոցները».
ա. 1900
բ. 1929
գ. 1979
դ. 1980:

2.- Ո՞ր տարին հիմնուեցաւ Սոնթրէալի Սուրբ Յակոբ Կիրակնօրեայ Դպրոցը.
ա. 1900
բ. 1929
գ. 1979
դ. 1980:

3.- Այս տարի «Մաշտոցի Արձագանգ»ի քանի՞ երորդ տարեդարձն է:
ա. 6
բ. 32
գ. 17
դ. 26:

4.- Աստուածաշունչը կը բաղկանայ երկու մասերէ. առաջին մասը կը կոչուի «--- Կտակարան» իսկ երկրորդը՝ «Նոր -----»: Առաջին մասը գրուած է Քրիստոսէ --- -- իսկ երկրորդը ----- էտք:

5.- Ի՞նչ կը կոչուի այն տաղաւարը որ կը սօնենք Սեպտեմբեր ամսուան ընթացքին.
ա. Խաչվերաց
բ. Սուրբ Ծնունդ
գ. Սուրբ Զատիկ
դ. Սուրբ Աստուածածնի Վերափոխում:

6.- Հետեւեալ սուրբերէն որո՞ւն սօնը կը սօնենք Սեպտեմբերին.
ա. Սուրբ Սարգիս
բ. Սուրբ Գեորգ
գ. Սուրբ Թադէոս
դ. Սուրբ Պետրոս:

7.- Ի՞նչ կը կոչուի խաչին կեդրոնական մասը.
-----:

8.- Յիսուս քանի՞ տարեկան էր երբ մկրտուեցաւ.
ա. 6
բ. 32
գ. 30
դ. 33:

9.- Ամբողջացո՞ւր Հայց. Եկեղեցւոյ Կիրակնօրեայ Դպրոցներու Սաղթերգին առաջին 4 տողերը.
Կիրակնօրեայ Սուրբ յարկին մենք ----- ենք լուսաբաղձ Կայծերու պէս ----- Ցայտած՝ սրտէն պերճ -----:

10.- Ամբողջացո՞ւր Հայց. Եկեղեցւոյ Կիրակնօրեայ Դպրոցներու Սաղթերգին երկրորդ 4 տողերը.

Ուստի քայլենք -----,
Ո՛վ հարազատ զարմ -----
----- գընացքով
Լոյս-աղբիւրին -----:

Ո՞րն է ճիշդ պատասխանը

Նախակրթարան Դ., Ե. եւ Զ. դասարաններու անկիւն

1.- Ո՞վ է ներկայիս Մեծի Տանն Կիլիկիոյ Կաթողիկոսը.

- ա. Սահակ Բ. Խապայեան
- բ. Արամ Ա.
- գ. Գարեգին Ա.
- դ. Գարեգին Բ.:

2.- Ո՞վ է ներկայիս Ամենայն Հայոց Կաթողիկոսը.

- ա. Սահակ Բ. Խապայեան
- բ. Արամ Ա.
- գ. Գարեգին Ա.
- դ. Գարեգին Բ.:

3.- Ըստ Ա. Կորնթացիներուն 13րդ գլուխին երեք հիմնական շնորհներն են Հաւատք, Յոյս եւ Սէր, եւ այս երեքէն ամենէն մեծն է...

- ա. հաւատքը
- բ. յոյսը
- գ. սէրը
- դ. Աստուածային հիմնական շնորհները թիւով 4 են:

4.- Վերջին ընթրիքի ընթացքին Յիսուս հաստատեց Հաղորդութեան խորհուրդը: Աւագ շաբթուան ո ը օրն էր այդ.

- ա. Երկուշաբթի
- բ. Ուրբաթ
- գ. Հինգշաբթի
- դ. Չորեքշաբթի:

5.- Սուրբ Ծնունդի մաղթանքն է.- Քրիստոս ի մէջ մեր յայտնեցաւ, օրհնեալ է...

- ա. Քրիստոսի Ծնունդը
- բ. Յայտնութիւնը Քրիստոսի
- գ. Յարութիւնը Քրիստոսի
- դ. Անունը Քրիստոսի:

6.- Պատարագի ընթացքին ո՞վ (որո՞նք) կ'երգէ (կ'երգեն) «Քրիստոս ի մէջ մեր յայտնեցաւ...».

- ա. Պատարագիչը
- բ. Սարկաւազը
- գ. Քահանան
- դ. Դպիրները:

7.- Ս. Պատարագի ընթացքին Ողջոյն տուողը կ'ըսէ: «Քրիստոս - մէջ --- յայտնեցաւ»:

8.- Ս. Պատարագի ընթացքին ողջոյն ստացողը կը պատասխանէ. «----- է ----- Քրիստոսի»:

9.- Հինգ տաղաւարներն են.-Ս. Ծնունդ, Ս. Զատիկ, Այլակերպութիւն, Վերափոխումն Ս. Աստուածածնի եւ

-
- ա. Մեռելոց
 - բ. Խաչվերաց
 - գ. Ծաղկազարդ
 - դ. Համբարձում:

10.- Ս. Զատիկէն 40 օրեր ետք կը տօնենք.

- ա. Համբարձում
- բ. Երեւում
- գ. Այլակերպութիւն
- դ. Յայտնութիւն:

Ո՞րն է ճիշդ պատասխանը Երկրորդականի անկիւն

Ամբողջացո՛ւր:

1.- ----- կը կոչուի եկեղեցոյ արեւմտեան բաժինը որ տաճարէն բաժնուած է պատով ու դուռով, որուն մէջ կը կենային ապաշխարողները որոնք պատրաստ չէին հաղորդութիւն ստանալու:

2.- 325 թուականի Նիկիոյ ժողովին Հայաստանեայց եկեղեցոյ ներկայացուցիչն էր, ----- ր՝ Գրիգոր Լուսաւորչի որդին:

3.- 325 թուականին գումարուած Նիկիոյ ժողովին մասնակցեցան --- հայրապետներ (կամ անոնց ներկայացուցիչները):

4.- Առաջին տիեզերական ժողովը տեղի ունեցաւ ----- մէջ, --- թուականին :

5.- Խաչվերացը կը տօնենք Սեպտեմբեր - - ի ամենէն մօտ գուգադիպող Կիրակի օրը:

6.- Հայաստանեայց եկեղեցոյ խաչի տօներն են.

- ա. --- խաչի
- բ. ----- խաչ
- գ. ----- խաչ
- դ. Խ -----:

7.- Խաչվերացէն 13 օրեր ետք Ս. ----- ին տօնն է, եւ յաջորդ օրը ----- Սուրբ Խաչ է:

8.- Ըսէ՛ մէկ բառովդ նոր կերտել, նոր շինել

9.- Ամբողջացո՛ւր: Խաչվերացին օրը, ռեհանով զարդարուած խաչով տեղի կ'ունենայ -----:

10.- Ամբողջացո՛ւր. Հայաստանեայց Եկեղեցոյ սովորութիւններէն է Խաչվերացի տօնին օրինել զանազան -----:

11.- Ո՞վ գրած է:
«Գալով ինձի քաւ լիցի եթէ մեր Տիրոջ Յիսուս Քրիստոսի խաչէն զատ ուրիշ բանով պարծենամ»:

- ա. Ս. Պօղոս Առաքեալ
- բ. Ս. Պետրոս Առաքեալ
- գ. Ս. Յովհաննէս Առաքեալ
- դ. Ս. Թադէոս Առաքեալ

12.- Այս տարի ե՞րբ կը տօնենք Ս. Կոյս Մարիամի ծննդեան տօնը.

- ա. Սեպտեմբեր 8
- բ. Օգոստոս 8
- գ. Յունուար 8
- դ. Հոկտեմբեր 8:

ՍՈՒՐԲ ՅԱԿՈԲԻ ԿԻՐԱԿՆՕՐԵԱՅ ԴՊՐՈՑԻՆ ԱՄԱՎԵՐՋԻ ՀԱՆԴԵՍԸ



Ս. Յակոբ Առաջնորդանիստ Մայր Եկեղեցւոյ Կիրակնօրեան իր 38-րդ տարեշրջանը բոլորեց: Կիրակի, 20 Մայիս 2018-ի յետմիջօրէին, Ս. Յակոբ Վարժարանի «Բաստրմաճեան» սրահին մէջ տեղի ունեցաւ ամավերջի հանդէսը՝ ի ներկայութեան հայ հոգեւոր արժէքներուն զիտակից ծնողներու, Հոգաբարձութեան անդամներու, Ազգային Երեսփոխաններու, Ազգային Առաջնորդարանի վարչութեան ներկայացուցիչին, Մոնթրէալի Հայ Օգնութեան Միութեան «Սօսէ» մասնաճիւղի ներկայացուցիչին, եւ եկեղեցւոյ հովիւ Տէր Գառնիկ Աւագ Քահանայ Գոյունեանի:

Մեկնելով Կիլիկիոյ Կաթողիկոս Արամ Ա.ի 2018-ը Անկախութեան Տարի հռչակելու իրողութենէն, տնօրէնութիւնը այս տարուայ ամավերջի հանդէսի ծրագիրը պատրաստած էր այդ թէմայով, որուն համար ուսուցիչներ եւ աշակերտներ միասնաբար յարդարած էին բեմը, Սարդարապատի դօղանջները, կամարներն ու երկու ցուլերը ներկայացնող յուշակոթողով:

Ըստ մեր Կիրակնօրեայի աւանդութեան՝ հանդիսասրահի մուտքին ներկաներուն բաժնուեցաւ «Մաշտոցի Արձագանգ» պարբերականի գունաւոր ու պատկերազարդ տարեկան բացառիկը, որ նաեւ կ'ընդգրկէր 2017-18 տարեշրջանի տեղեկագիրը:

Ամփոփ եւ յաջող յայտագիր մը պատրաստուած էր: Աշակերտներ եւ ժողովուրդը յոտնկայս երգեցին Տէրունական աղօթքը: Սպա աշակերտները դարձեալ յոտնկայս աղօթեցին Ներսէս Շնորհալիի «Իմաստութիւն Հօր, Յիսուս»ը ու երգեցին Կիրակնօրեայի քայլերգը:

Բացման խօսքը ներկայացուեցաւ ուսուցչական կազմի անդամ եւ մեր Կիրակնօրեայ

Դպրոցի 2017-ի ամառական Մոնթան Տեմբլեանի կողմէ: Ան իր խօսքին մէջ ըսաւ.

«Արդարեւ, 1929-ին Մեծի Տանն Կիլիկիոյ տարագիր Կաթողիկոսը Նորին Սուրբ Օծութիւն Տէր Տէր Սահակ Բ. Խապայեանը հիմը կը դնէր Հայաստանեայց Եկեղեցոյ Կիրակնօրեայ Դպրոցներուն որպէս նպատակ ունենալով.



Ա. Հայաստանեայց Եկեղեցոյ դաւանութեան եւ ամանորութեան համաձայն կրօնական դաստիարակութիւն տալ մասնաւորապէս մանուկներուն եւ պատանիներուն, իբրեւ լրացուցիչ մասը ազգային ընդհանուր կրթութեան եւ դաստիարակութեան, եւ ընդհանրապէս ալ չափահասներուն ամանդել քրիստոնէութեան եւ Մայրենի Եկեղեցոյ վերաբերեալ գիտելիքներ եւ ծանօթութիւններ:

Բ. Այս դաստիարակութեան նպատակն է Հայ ժողովուրդին զաւակները գիտակից դարձնել իրենց Քրիստոնէական Կրօնքին եւ Մայրենի Եկեղեցոյն եւ կերտել անոնց քաղաքացիական նկարագիրը:

Արդարեւ, նոյն նպատակով է որ 1980-ին կը հիմնուէր մեր Սուրբ Յակոբ Եկեղեցոյ Կիրակնօրեայ Դպրոցը: Եւ այսօր 38-րդ յաջորդական տարեշրջանը կը հասցնենք իր ամառին ...», եւ ամառեց իր խօսքը ըսելով.

«Այս տարեշրջանին (2017-18) մենք շաղկապեցինք Վերանորոգումի եւ Անկախութեան տարիները: Այս առիթով, մեր այս տարեշրջանին վերջին օրը, փոքր յայտագիր մը պատրաստած ենք ձեզի համար եւ որուն ընդմէջէն կրնանք փոխանձել Ձեզի, թէ մենք ալ կը շարունակենք մեր Ծառայութիւնը բերել մեր Եկեղեցոյ եւ մեր Ազգին եւ մեր ալ Դպրոցին վերանորոգումի գործընթացը արդէն իսկ ճամբու մէջ է» :



Յայտագրի առաջին բաժինով ներկաները դիտեցին տեսերիզ մը, ուր ներկայացուցաւ Կիրակնօրեայ Դպրոցի Առօրեան, պատրաստուած Պարոն Մերժ Եսայեանին եւ Օրդ. Րուպինա Գարամինասեանի կողմէ: (Տեսերիզը կարելի է դիտել այս հասցեով <https://www.facebook.com/sourphagop.org/videos/1614921145220917/>):

Յայտագիրը շարունակուեցաւ: Նախակրթարանի

Գ. Եւ Դ. Դասարաններու աշակերտները կենդանի պատկերի մը ընդմէջէն ներկայացուցին աղօթքներ, որոնք կրնան աղօթել օրուայ տարբեր ժամերուն (Օրիորդ Թամար Գիզիրեանը աշխատելով աշակերտներուն հետ պատրաստած էր այս բաժինը):





Ապա Մանկապարտեզի աշակերտները ներկայացուցին 2 աղօթքներ և 10 պատուիրանները (Օրիորդ Յասմիկ Նաճարեանը աշխատելով աշակերտներուն հետ պատրաստած էր այս բաժինը):

Յայտագիրը շարունակուեցաւ, և Նախակրթարանի Ա. և Բ. Դասարանի աշակերտները ներկայացուցին հատուած 23-

րդ Սաղմոսէն և 2 համար «Ես իմ անոյշ հայաստանի» կտորէն (Տիկին Թալին Բարսեղեանը աշխատելով աշակերտներուն հետ պատրաստած էր այս բաժինը):



Ապա, Կիրակնօրեայ Դպրոցի Երգչախումբը ներկայացուց 4 շարականներ և 2 երգեր: (Այս տարեշրջանին Մեկտեմբերէն Նոյեմբեր 2017-ի

ընթացքին մեր երգի ուսուցչուհին էր օրդ. Ռուբինա



Գարամինասեանը, իսկ 2017 Դեկտեմբերէն ի վեր Պարոն Վաչէ-Սագօ Պոյաճեանը: Ամբողջ տարուան ընթացքին, ինչպէս նաեւ այսօր, մեր դպրոցի 2016-ի շրջանաւարտ Բասգալ Տեմիրճեանը դաշնակի ընկերակցութեամբ մասնակցեցաւ դասաւանդութիւններուն):



Նախակրթարանի Ե. եւ Զ. Դասարաններու աշակերտները ներկայացուցին 325 Թուականին Նիկիոյ Ժողովին ընթացքին բանաձեւուած «Հաւատամք»ը (Տիկ. Շողիկ Նաճարեանը աշխատած էր այս դասարանին հետ):

Այս տարի Հայաստանի Առաջին

Հանրապետութեան 100-ամեակն է: Այս առիթով մեր Նախ. Ե., Զ. եւ Երկրորդականի աշակերտները պիտի ներկայացնեն Ժագ Յակոբեանի «Սարդարապատ» բանաստեղծութիւնը (Տիկ. Շողիկ Նաճարեանը, Պրն. Առէն Պապիկեանը եւ 2016-ի մեր դպրոցի աւարտական Մհեր Պանքեանը աշխատեցան աշակերտներուն հետ):



Տնօրէնը՝ Պրն. Թորոս Պապիկեան՝ իր խօսքին ընդմէջէն ըսաւ «**Ճատ մը բաներ կարելի է սորվիլ միայն Կիրակնօրեայ դպրոց յաճախելով եւ մենք մեր գործը սիրով կ'ընենք, որովհետեւ կը հաւատանք թէ իւրաքանչիւր հայ մանուկ, ուր ալ գտնուի, իրաւունք ունի Հայ Քրիստոնեայ նկարագիր կերտելու եւ Հայ Քրիստոնեայ կեանք ապրելու**»:



Ապա անդրադարձաւ Երկրորդականի աշակերտներուն յանձնառութեան, որ ապագայի համար յոյս կը ներշնչէ: Ան շնորհակալութիւն յայտնեց ուսուցչական կազմին, Հովիւին ու հոգաբարձութեան եւ ծնողներուն որոնց բոլորին ներդրումով էր որ Կիրակնօրեայ Դպրոցը կրնար իր առաքելութիւնը շարունակել: (Տնօրէնին խօսքը կարելի է լսել այս հասցեով <https://www.facebook.com/sourphagop.org/videos/1725885237457840/>):

Տնօրէնի խօսքին յաջորդեց վկայականներու բաշխումը, որուն ընթացքին, Նախակրթարանի Զ. կարգէն վկայուեցան Յարութ Թաշճեան եւ Սարգիս Վեգիբեան ձեռամբ եկեղեցոյ հովիւ, Տէր Գառնիկ Աւ. քահանայ Գոյունեանի (այս տարի Երկրորդական Ե. դասարանի աշակերտ չունէինք):



Հանդեսը ււարտեցաւ Տէր Հօր փակման խօսքով եւ աղօթքով որմէ ետք աշակերտներ եւ ներկաներ երգեցին «Կիլիկիա» մաղթերգը:
Հանդեսի աւարտին ներկաները հիւրասիրուեցան անուշեղէններով որոնք պատրաստուած էին ծնողներու կողմէ:

Աշակերտները բաժնուեցան Սեպտեմբերի վերամուտին դարձեալ հանդիպելու յոյսով:

ՄԻՕՐԵԱՅ ՍԵՄԻՆԱՐ-ԱՇԽԱՏԱՆՈՑ



Շաբաթ, 25 Օգոստոս 2018-ին, Քինկսթընի մէջ, մեր Կիրակնօրեայ Դպրոցէն Բասգալ Տեմիրճեան, Մհեր Պանքեան, Առէն Պապիկեան, Թամար Գիզիրեան, Յասմիկ Նաճարեան, Շողիկ Նաճարեան եւ Թորոս Պապիկեան մասնակցեցան Գանատայի Հայոց Թեմի կողմէ հովանաւորուած եւ Ազգային Առաջնորդարանի Ք ր ի ս տ ո ն է ա կ ա ն

Դաստիարակութեան Խորհուրդին կողմէ կազմակերպուած Կիրակնօրեայ Դպրոցներու միօրեայ սեմինար-աշխատանոցին:

Սեմինարի բացումը կատարեց Առաջնորդ Սրբազան Հայրը, ողջունեց ներկաները իրենց մասնակցութեան համար եւ գնահատեց բոլորին նուիրումը հայ եկեղեցւոյ եւ ծառայութիւնը ազգին:

Քրիստոնէական Դաստիարակութեան Խորհուրդին կողմէ, Տիկին Թալին Պօղոսեան կատարեց ծանօթացման բաժինը, որուն յաջորդեց աշխատանոցն ու խորհրդածութիւնը՝ Տիկին Սեմալին Պէքարեանին կողմէ: Ան ընդհանրապէս կեդրոնացաւ Աստուածաշնչային առակներու վրայ եւ անոնց ուսուցման ձեւին ու կերպին մասին, որոնք արմատ կը ցանեն մանուկներուն եւ պատանիներուն կեանքին մէջ:

Սեմինարի աւարտին, Գերշ. Տ. Բարգէն Արք. Չարեան մասնակից ուսուցիչներուն եւ տնօրէններուն ըսաւ, թէ շեշտը պէտք է դնենք դաստիարակութեան վրայ: Կիրակնօրեան այն վայրն է ուր ընտանիք, եկեղեցի եւ դպրոց իրար կը հանդիպին եւ մանուկը ճշմարիտ հաւատքով կ'ապրի, կ'աճի ու կը հարստանայ:

Առաջնորդ Սրբազան Հայրը կեդրոնացաւ նաեւ Կիրակնօրեայ Դպրոցներու կարեւորութեան, դերակատարութեան եւ անհրաժեշտութեան մասին: Ան մեծապէս գնահատեց կամաւոր ուսուցիչներն ու տնօրէնները, որոնք միայն բարին կը սերմանեն մեր մանուկներուն հոգիներուն եւ սրտերուն մէջ:

2018-19 Տարեշրջան (39-րդ)

Վերամուտ՝

Կիրակի 16 Սեպտեմբեր, 2018 Ժամը 10:30

Մանկապարտեզ : Ա., Բ., և Գ. Դասարաններ (3 - 5 տարեկան)
Նախակրթարան : Ա., Բ., Գ., Դ., Ե. և Զ. Դասարաններ (6 - 11 տարեկան)
Երկրորդական : Ա., Բ., Գ., Դ. և Ե. Դասարաններ (12 - 16 տարեկան)

Գործունեություն՝

Ամեն Կիրակի Ժամը 10:30 – 13:00

Յաւելեալ տեղեկութիւններու համար դիմել Տնօրէնին՝

Թորոս Պապիկեան

Հեռ. (514)-513-4224 email director@sourphagop.org

Կայքէջ՝

www.sourphagop.org

18-րդ տարի

Ամսաթերթ՝

«Մաշտոցի Արձագանգ»

www.sourphagop.org/mashdots

26-րդ տարի